

**DE MAGISTRATIBUS
SUPERIORIBUS
DISPUTATIO, QUAM
DEO OPT. ADIUVANTE
... SUB PRAESIDIO...**

Dominicus Arumaeus, Joachim
Bumann, Valenti Gonzaga





*Viris Præstantissimis, Prudentissimis
ac integerrimis,*

DN. JOACHIMO Gülen/Reip.
Wismariensis Senatori spectatissimo,

DN. NICOLAO Buman/ } Civibus ejusdem
DN. JOANNI Buman/ } Reip. primariis.

Dn. Affini, Patri, Fratri, Patronis
& Fautoribus suis omni studio ac officio
perpetuò respectivè colendis.

*Hanc disputationem Juridico-Politicam
debita observantia & gratitudinis tesseram*

offert

Joachimus Bumannus

DE MAGISTRATIBUS SUPERIORIBUS.

I.



*M*nium rerum parva, eaq;
tenuta esse principia testis est opulentissima
experientia. Sic n. natura comparatum, ut et-
iam magna ab exiguis principiis orta in am-
plitudinem perveniant: Nam vari dat vires,
teneras mora concoquit uvas, Et validas se-
getes, quod fuit herba facit: Quae prae-
bet
latas arbor spatiantibus umbras, Quo posita est pauci tempore
virga fuit teste Ovid. i. de Remed. Quam perfectitudinem si attingunt iterum inclinare & deficere deniq; collabi incipiunt.

2. Primus enim praeiens ille Deus mundum ex nihilo
creans fundamenta quamvis admodum exigua, maxime olim fu-
ture universitatis jecit quando in illum unicum Adamum & po-
stea desumptam ex latere ejus feminam Evam induxit, in quibus
societatis primordia esse voluit, solitaria vivendi ratione explosa
& rejecta. Qui enim extra hanc societatem vivit, rectè ab
Homero increpatur, quod sit sine tribu, sine jure, & quod sit belli
cupidus, qui nullo retineri iugo possit.

3. Solitarios autem quosdam fecit natura, quosdam fortu-
na. Fortuna societatis expertes declarat relegatos & deportatos,
quibus aqua & igni interdictum: natura autem sunt vel beluae ut
Timon de quo Cic. in Lelio vel Deorum similes, ut aliquando Eli-
as, Joannes Baptista & antiqui Monachi quidam & Philosophi:
non homines autem existimari debent, qui hominem exuerint.

4. Hanc verò societatem esse à natura ante lapsum Adami
Rempubl. verò post lapsum ortam fuisse, illam à natura integrā,
hanc à corrupta dicimus. Unde exurgit illa questio: An etiam

aliqua politica futura fuisset ante hanc humani generis? Quam cum Clarissimo Dn. D. Grypho andro, Praeceptore suo singulariter colendo, Diss. Polit. 3. in terminis asserentibus veritatem, esse concludo. Intra enim paradisum amenitatis circa palus unquam huiusmodi vel regalis vel despoticus principatus fuisset subssecutus, cum ibi omnium hominum summa libertas animorum consensio fuisset futura, licet politico quodam ordine & ibi prelatus subiectio, in disponenda & gubernanda multitudine fuisset eventum, non quidem dominandi libidine, sed officio quodam consulendi dirigendiq.

5. Cum vero post lapsum cresceret hominum multitudo, & per consequens etiam vitia, capit constitui politica. Ante diluvium quidem primus tyrannus & oppressor proximerum & qui aduicavit civitatem Henoch de nomine filii Henoch. eo loco ubi post Babylon stetit, dicitur improbus Cain filius Ade frutricida, qui quia fratri ob invidiam non pepercerat multo minus pepercit natis ex Adamo & eorum posteris, quia eadem superbia illis dominari & repugnantem opprimere, & oppressos & subactos direxare instituit, & qui ex illo descenderunt.

6. Primus a. qui post diluvium potestatem & tyrannidem dominandi in invitos adhibuit, armis in finitimos & alios posteros illatis, sacra litera testantur Nimbrodum fuisse, Gen. 10. v. 10. 1. Paralipp. 1. Ille enim cives qui ad arma ejus se se contulerant, fortiter hostibus prosligatis, defendit, ante ejus grassaturus nullum fuisse imperium politicum constat, licet domesticum non negemus, quod tamen a politico divisus habet rationes. Dicitur a. Nimbrodus Satorpiscus & ejus milites gigantes, qui a Jove fulminibus confecti dicuntur, & in sacris nominatur venator robustus seu venatore potens, id est, hominum oppressor & extirpator. Quod loquenti genus Ebraeum familiare latronem significare testatur, Ps. 91. v. 3. nam is inquit a laqueo venatoris absq. pisse exitiali te liberabit. Quae per Metaph. desumpta est ex eo, quod bonus & vitae aliorum insidientur, ut venatores feris & quos ceperint nulla commiseratione moti interficiant.

7. Utriusq. autem imperium tyrannidem potius quam regnum cum Tholosan. 20. de Repub. 1. dicimus. Et maxis illud, cum Cain se subduxerit ab imperio paterno & contra imperium

rium & regnum paternum suam potestatem usurpaverit, & à legitimo rege & duce Adamo subditos naturali jure descendentes sibi per vim subjecerit & oppresserit. Nec verò exaudiendus Bodin. qui statuit causam efficientem Reip. vim & cupiditatem impetrandi, & confundit Rempubl. imperio quo illa administratur. Hujus enim causa efficiens interdum est vis & cupiditas, illius nunquam.

8. Rerum publ. autem consuetudo est una coacta, altera voluntaria. Coacta fuerunt initia regni Babylonicæ, Persici, Alexandrici, uti de hisce testatur 16. Gen. caput. voluntaria regni Romulæ secundum Livium lib. 1. & Halicarnass. à quibus dissentit Bodinus de Rep. 6.

9. Etsi duce natura congregantur homines, qua homo ad societatem civilem sit factus, adeo quidem, ut etiam sui omnia ad vitæ cultum abundè suppeditent, solitudinē nihilominus aversetur & societatem quærat, ut eleganter Cic. 1. offic. altera tamen causa est communis utilitas idonea ad bene vivendum: & tertia vita ipsa, quæ cum ab omnibus expetatur mirum non est si & ipsa causa sit civilis societatis, utpote cum vita ipsa hac societate conservetur.

10. A jure a. gentium omnia imperia originem suam traxerunt, cum jure naturali omnia erant communia cunctorumq; hominum una & indivisa possessio fuit, quo jure manebat eo tempore cunctis moralibus inconcussa libertas nec quisquam sciebat à consorte suo nature obsequia servitutis exigere cap. 6. dist. 35. Unde & placuit rerum conditori, ut occupanti terra concederetur quacumq; ut apparet & Deut. 13. capit.

11. Ante diluvium v. non ita Deus suam potestatem communicavit, sed solus homines gubernavit, ut plasmator suam creaturam illi præcepta vivendi dedit, prævaricationiq; panam infixit condignam, ut Gen. 2. & 4. cap. in Cham & Lamech historia testatur sacra. Arguebat sane humanum genus in deterius rucis, per sanctos homines increpabat oportune, & inopportune uti ex D. Luther. Prostantiss. Dn. Bortius in disp. de Jure Majest. deducit.

12. Ceterum quatuor Monarchias futuras eussq; divinitus prædictas ex c. 2. Dan. v. 7. & Apocalyps. 13. v. 1. Cum Dresfiro & Franckenberg. scriptis de hoc argumento integris libris con-

tra Rodinum qui obstatè hoc negat in hist. c.6. Postea
mius & per aurum caput Assyriorum regnum per argenti ca brachia
& postea Medorum atq. Persarum proterere & femorib. Græcorum,
prætibis & ferreis parum subtilibus Romanum & ultimum, quod
Christus sanctum vult, quodq. tam diu quo usq. seculum cum Au-
gustino & Jeronymo duraturum intelligimus.

13. Sex mille porro annos universam hanc mundi machinam duraturam esse multi affirmarunt, & inter hos eorum numerum de Everfion. Rerump. colligit Tilemannus dum subducit, quod à condito mundo ad diluvium anni sint 1656. exclusivè numerati, quibus si adjecero annos 368. à diluvio ad vocationem Abrahæ integrè explebuntur duo millenarii & superunt 24. anni referendi ad tertium millenarium. Secundus bis millenarius ascribitur legi. Tertius millenarius non vacuitati nec nomothesia, sed Messia est deputatus. Implebuntur hi duo millenarii anno Christi futuro bis millesimo trigesimo.

14. Quod tempus mundi interitus & extremi iudicii cum Christus ipse angelis voluerit esse absconditum & oclusum, à nobis alienum erit, curiosius inquirere & humanâ ratione, quæ cæcâ est in cælestibus rimari. Verum quidem per se est amplectendum, sed non omne, quod dicitur ab hominibus, quorum natum est, ut sint mendaces, Esa. 9. Oppugnat quippè potestatem divinam, futurorum indagatio, si ea mente quis scrutetur, ut indubitata ea existimet & certa, tanquam quæ aliter contingere nequeant. Sed & aliunde temerè nimium, si quis, quæ Deus voluit nobis esse abscondita scire desiderat. Nec nostrum est, scire tempora & momenta, quæ Deus posuit in sua potestate. Act. 1. Solus Deus occultorum, cognitor & iudex c. erubescant. 32. dist.

15. Certi igitur nihil concludere possumus, cum omnia sint sub præpotentis DE I manu, qui regna stabilis, & de gente in gentem transfert, terminos ac metas constituit, cuiq. easdem abbreviare & prorogare operosum non est. Cyclum autem imperiorum quingentorum fermè annorum spatio terminari, communiter volunt. Nec tribuenda est aliqua efficacia numeris, sed ut Medici criticos dies, ita Politici numeros

perpen-

perpendunt. Et quemadmodum S. S. in Psalm. 90. terminari dixit vitam hominis septuagesimo anno, ita vitam Reipubl. septies septuagesimo absolvi. Non tamen inde sequitur absurdissimum stoicorum paradoxum, quod limites nequeant, mutari, sed quod non mutantur, ut Jobus inuuit 14. cap. Homo mortalis vitæ terminum non supergreditur atqui indulgentia DEI terminum presigentis possit transgredi nihil addubitandum est. Nonne DEIUS vitam prolongavit, Ezechia apud Esaiam 38. capit.?

16. Romanum autem imperium, ut inquit Eutropius, quo neq; ab exordio ullum ferè minus nec incremento toto orbe amplius humana memoria potest recordari, adeoq; ex minutissimis illi: principiis, tam amplam constituit Rempubl. ut totum exinde terrarum orbem sibi adjecerit, Novell. 24. in pr. à Romulo primo omnium Romanorum rege sumsit exordium.

17. Qui narrant historiam Romuli & Renie eos natos geminos referunt ex Rhea Silvia filia Amulei Regis, cumq; disputarent de principatu condendo ad prosequendum & continuandum avitinum primigenii judicium DEO commississe, quod nescirent uter illorum prior esset editus & auguriorum sorte exitum inde habuisse, ut qui plures vultures pro augurio habuisset, is jus potestatis haberet. Contigisse autem plures Romulo & proinde de suo nomine oppidum inaugurasse. Tholosanus 7. de Reipubl. 5.

18. Quod cum esset à septem regibus grubernatum, propter Tarquini ultimi regis superbiam & stuprum Lucretia à filio Sexto inter alia flagitia nocturno tempore per vim illatum, ob quod dedecus castissima famina in conspectu suorum semetipsam interfecit. Quare indignitate populus Romanus permotus regem Tarquinum una cum filio urbe eiecit auctoribus, L. Junio Bruto, & L. Tarquinio Collatino, qui pudicitie Lucretie ultores fuerunt. Illud verò deinceps non regali s. despotico, sed consulari potius & politico discrimine administrari cepit, statiusq; imperii mutatus est, deleta omni prorsus regio nomine ac libertate vindicata & recuperata, de nova Reipub. forma cogitarunt.

19. Sicuti

19. Si autem regnum imperium fuit perpetuum, ut patet ex
ordine patricio, potest quos cum antea, *Respubl.* Imperatio
duo creati sunt L. Junius Brutus, & L. Tarcinius Collatinus,
quibus annuum est de mandatum, qui postea quod Ratio. consule-
rent, consules nominati sunt. His omnia jura omnia insignia re-
gum contulerunt id modo cautum est ne si ambo scilicet haberent
duplicatus terror videretur.

20. Duo sunt constituti ex illis regibus & monarchia
denominatione exemplo Lacedaemonum, quod minus injuriosi &
molesti putarentur divisi potestate bis armati ambobus eandem
vim obtinentibus, utque alter alterum revereretur & revocaretur
à licentia: & quia aemulatio ad virtutis opinionem ex aequata pote-
state maxime nascatur. Annui autem ne per diuturnitatem pote-
statis insolentiores redderentur, sed civiles semper essent, qui se
post annum scirent esse privatos. Sub horum potestate Resp. Ro-
mana in immensum augmentari capit.

21. Neg. diu hoc imperium summum consules retinuerunt,
sed Valer. Publicola communicavit Jura Majestatis populo Plu-
tarch. in publ. que magis magisque importuni Tribuni patribus ex-
torserunt, donec in puram Democratiam Respubl. degeneraret. Sed
& figura regis imperii sub nomine Dictatoris quodammodo redu-
cti videbatur, nisi quod Dictatura brevis avi esset & magis pre-
cari. Primus autem omnium creatus est Manlius belli pacisque
rerumque ceterarum imperator nomenque ei impositum est Dictator
sive propter potestatem jubendi dictandi, quod vellet & que ju-
stipulensque ceteris quemadmodum ei videretur sive ut quidam
scribunt propter eam, que tunc fiebat dictionem vocante Forfiero
i. hist. Rom. c. 17.

22. Illic à Consule uno interdum ab utroque, nunquam à
populo, & si quando à populo diceretur in rebus concipitis, non
Dictator, sed prodictator appellabatur. Placuit autem Dictatori
imperium periculosissimis Reipubl. temporibus semestri dari, quod
si negotium ejus causa Dictator fiebat citius consecisset, imperio
abibat. Nam Aemilium Mamercum idem dies Dictatorem & re-
bene confecta privatum vidit, quod imperia diuturnà sibi dissi-
lere testaretur. Hujus, uti dictum, erat magna potestas, ad id, ut
ab eo & in primis optima lege creato provocare minime liceret.
Unde Liv. lib. 6. Dictatoris edictum pro numine semper firratum.

23. Uti

23. Illi regibus adjuncti sunt tribuni celerum, sic consilibus censores, quos dictos putant à censendo, ad quorum censionem populus censeretur. Festus idem nuncupatos scribit, quod rem suam quisq; aestimari tanti solitus esset, quantum illi censuissent. Duplicem constat fuisse censuram, rerum s. facultatum, & personarum, & binos fuisse censores creatos equalis tamen & ejusdem potestatis. Hi olim maximam habebant potestatem, & plus imperii, quam ullus magistratum: quia poterant senatores ordine movere, magistratum abdicare, & equos equitibus adimere, referere Clarijs. Dn. D. Gryphiandro in praefect. polit. Sic dictatori quoq; magister equitum adjungebatur.

24. Et hi fuerunt magistratus majores, ex differentia majorum auspiorum, ut explicat Agellius. Sed extincta auspiorum vanitate, majores verè sunt & dicuntur, quorum major & amplior sit majestas, majus imperium, major procuratio sive rerum administratio, ut in quibus Reip summa est posita domi & foris, in bello & in pace, ut apud Romæ Coß. Praetores, Athenis, Thesmotete, Areopagite, Praetores, quorum quidam fuerunt ratione gubernationis ordinarii, ut praefectus urbis, dictator &c.

25. Distincti sunt rursus in ordines secundum diversos titulos, quibus honorabantur à Caesaribus vel populo. Variatum tamen in illis, & diversa est sententia, vereor, ne ignorantia historiae, inquit Tholosan. interpretes fefellerit, vel certè temporū confusio. Glossa ad verbum post magnificos facit sex gradus vel titulos dignitatis, super illustres quos speculator dicit spirituales & temporales maximos, ut summum pontificem, Imperatorem, Patriarchas, quod supra omnes, quod tamen Cynoni displicet, quod ij supra gradum, & non in gradu sint, neq. nomen illud agnoscit Durenus c. 3. de usuris, de quibus videatur Bodin. 3. de Rep. 3 magnificientissimos, illustres, spectabiles, clarissimos & minimos. Variatum autem sapè in potestate principali, ut aliquando major aliquando minor fuerit mutata sepius forma Reip. Tholos lib. 37. c. 14. Synagm f. V.

26. Accessio magistratuum sub imperio facta est varia, ubi maximè excelluit praefectus praetorio, cujus tale officium voluit, quale olim tribuni celerum, qui secundum à Principe locum obtinebat l. 2 §. quod ad magist. & §. hunc magis de O. f. magnas,

ejus fuit dignitas propter amicitiam Principum. Ulpianus apud Alexandrum Imperat. ipse praefectus pratorio plurimum potuit. Namq; Alexander nunquam solim quenquam nisi praefectum suū vidit, & quidem Ulpianum causa justitiae singularis, quemq; praecceptorem parentem suum appellat, l. ex divi. 4. C. de locato. Ab illo nec appellari poterat, nec adversus illum peti restitutio in integrum. Si quem hac dignitate privare volebant, ei lati clavi honorem concedebant, qui est senatoria dignitas. Equites Romani à senatoribus clavi qualitate discernebantur, angustum clavum equites gerebant senatores latum, Pet. Fab. 1. Semest. 2.

27. Maxumam igitur ejus fuisse auctoritatem constat, ut nemini incognitum sit nobile Trajani verbum, quod refert Xiphilinus in vita Trajani: Accipe, inquit, gladium, quo si recte fecero pro me, si secus contra me utaris. Dignitas verò inferior consulari & patriciatu honore. sed aequalis magisterio militum; urbicaria praefectura, sacriq; cubiculi praepositura. Hi namq; sunt in pari gradu dignitatis, & ille praecedit, qui primo fuit dignitatem adeptus. Aedilis erat primus ascensus ad amplioris honoris gradum constitutus. LL. porro effectum est apud Romm. ut consulatus ante 42. annum peti ante 43. geri non posset: praetura nec peti ante 39. nec geri ante 40. annum: aedilitas nec peti ante 26 nec geri ante 27. jure possit.

28. Hoc officium cum proximum fuerit post sceptrum, antea ex hominibus militaribus lecti, postea juris scientia hunc locum sibi vindicavit. Intutum enim videbatur viris rei militaris peritis, quamvis tenui origine natis tantam potentiam tribuere. Quare Ulpiani, Papiniani & aliorum industria factum, ut amplissimum hoc munus togatā potius quam bellica arte administraretur. Maecenas Augusto suavit, ut ex equitibus tantum eligeret praefectum pratorio, ne quis generis nobilitate spreus, aliquid conaretur adversus Principem. referente Clapm. lib. 2. de Arcanis Rerumpubl.

29. Postquam per variam fortunam & plura magistratuum discrimina populi Romm. jactata fuit in constantia (modo enim voluit reges, post hos consules, post tribunos militum, deinde tribunos plebis, eosq; annuos, modò Dictatores semestres, modò Impera-

Imperatores) Consulare a. imperium usq; ad Jul. Caesaris Monarchiam porrectū, Romaniq; jam essent clarissima fama noti, suborta inter eos civili discordia, consularē post cessavit imperium, Caesarium incepit, & alterato imperii statu, deinceps in nostra usq; tempora per Imperatores Respubl. gubernata est. Quamvis illi invitis sociis Rempubl. invasisset, & tyrannide imperium usurpasset, attamen ex post facto aliquando populus in ejus imperium consensit. Nec laudem merentur Cassius & Brutus, qui conjuratione ex gravi invidia facta, in senatu cum jus redderet tribus & viginti vulneribus insititiseum confoderunt, qui & sui facti pœnas dederunt, desperationeq; fracti, semetipsos jugularunt, cis gladiis, quibus antea Julium Caesarem felicem bellatorem confoderant. Quod & mirabili DEI vindicta ultra triennium omnibus ceteris interfectoribus accidit.

30. Sub Augusto, quo natus est Christus, verus Augustus magnus ille & honorabilis Princeps, pater patrie, & Imperator exercituum summus, pax illa confirmata, & universo orbi aureum seculum redditum videtur, qui primus voluntate Senatus obtinuit imperium, sed in tempus decennii, eog; exacto, per continuatam decennalem renovationem idipsum permisit, quamdiu vixit, eog; mortuo ejus successores illud consequuti sunt, ut quamvis perpetui essent tamen singulis annis festum veluti renovati imperii agerent.

31. Hi Imperatores dicuntur ab imperando, quod nomen Romani primum illis indiderunt, apud quos summa rei militaris consisteret. Habebant ac eandem auctoritatem quam reges, quamvis sub initio, nondum plenè confirmatis regimentis, aliud simulabant, ac summo studio à regio nominis abstinebant. Dicti itidem Principes. Nam, ut ait Tacitus 1. annal. imperium nomine primatus usurpabant. Unde cum absolūtè ponitur de Imperatore aut de rege intelligitur, s. sed & quod Principi placuit de J. N. G. & C. unico v. unde in veteri de sacra unct. Novel. 47. Caesares à Julio Cesare qui de matris utero Cæsus erat, vel à Cesarie, quod comatus, vel à Cæso elephanto, vel à Cæsiis oculis quàm posteriorem denominationem, cum Clariß. D. Gryphiaudro Præceptore meo, veriore esse statuo.

32. *Augustos dictos volunt, ab augendo, cum diminuendo imperium fiat homicida suae dignitatis, hocq; cognomen additur ob maiorem reverentiam, quod sit reverenter consecratus, sancto augurio, ope Jovis augeatur, & idem est Augustus, quod reverendissimus, quod esset natura hominis acceptior & venerabilior. Augere a. debet eo modo quo honestate & dignitate salva potest. l. 125. de V. S. Alienatores imperii à Waremundo ab Erenberg, vocantur vitrici quo nomine Carol. IV. à Maximiliano I. male audit, quem non Augustum Imperatorem, sed dissipatorem appellare solebat, quig; in tantum imperii bona publica, redditus & vestigalia distraxit, ut hodie ordinarii redditus vix in imperio tanti sint, quanti spondendis postis & regis cursoribus s. publicis sufficere possint. Bocerus c. 5. in fin. de regalib.*

33. *Varii & diversi modi fuerunt, quibus imperium acquiritur, ex quibus usitatiores duos recenset Clariss. Dn. D. Gryphander in praefat. polit. Electionem & successionem. Olim & alius modus obtinuit, videlicet electio per sortem, quae licet, ut improba damnatur in cap. illud 26 quest. 2. in quibusdam tamen casibus admittenda. Narrat Appianus de bello civil. post mortem Julii Caesaris cum essent discrepantes sententiae in senatu de remunerandis intersectoribus sortes tradendas postulatam fuisse. Distribuit partes terrae Israelis per sortes Num. 33. Joh. 15. missis sortibus manifestatum peccatum Jon. 1. sortibus quoq; detectus, qui ex anathemate sustulerat Josue 7. ut & iisdem Jonathae praevaricatio 1. Reg. 14. c. 26. q. 1. His electus in Apostolum D. Matthias Act. 1. Cujus modi autem sortes cum Deo auctore instituantur, non dubium est, quin Dei etiam providentia administratae fuerint.*

34. *Electio autem Imperium Romano-Germanicum ab antiqua consuetudine deferri notissimum est, ubi tamen hoc observandum, monet Clariss. Dn. D. Gryphander, ut electio familiam antecessores non egrediatur ad alios extraneos propter bonorem & beneficentia majorum, nisi necessaria causa subsit. Quodq; videmus in Austriacorum archiducum familia feliciter ultra 160. annos observatum & conservatum fuisse, attestante Clariss. Dn. D. Besoldo lib. 2. Diss. 1. nec illis propterea ullum jus est acquisitum, quia judicium electorum, non domus dat imperium cum electione liberrima deferatur.*

35. *Quod Monarchicum dicimus cum Clariss. Dn. D. Gryphandro nec exaudiendus Bodinus qui à Ætropa Monarchia ultimæ ideo deberi negavit, quod Aristocraticum statum amplexi Germani, & suis popularibus Gallia regnum absolutissimum persuadere voluit 1. de Rep. 8. Cum tamen Gallia imperio subesse debet respectu Romani imperii antiqua dignitate, non moderni status. Unde Bartolus & hunc sequutus Alciatus imperatoris potestatem adeò verbis amplificavit, ut & regem Francorum imperii Germanici subditum esse scribant. Cum eodè verò nec ullam mixtam Rempubl. accipimus, contra illos, qui Imperium Romanum dicunt esse Monarchicum Aristocratico mixtum.*

36. *Ille est eligendus, qui bonum publicum regniq; gloriam, pacem & concordiam semper tueri visus est, qui privato regimine læserat nullum qui victor frequentior in bellis, qui totius populi justè vivendo favorem fuerat sortitus. Videmus verò eos, qui præclaris à Deo ornati sunt donis ad imperandum regendumq; quodammodo natos: quo sensu Jason dixit, se obedire non posse, quod ad imperandum natus esset, ut esurire & fame necari se diceret, ubi non imperaret. Cui accedit Plato 3. de ll. imitatus Hesiodum, qui tria facit hominū genera quorū statim primo ab ortu DEUM aurum instillare, cujus generis Principes esse vult. Secundo argentum, cujus generis adjutores. Tertio æs & ferrum cujus generis reliquos cives & opifices. Ut & Ovidius canit de Hercules heroica indole: Ingeniū caeleste suis velocius annis, surgit & ingratus, fert mala damna, moræ. Suo quodammodo testatū est exemplo Carolus V. cujus effigiem, cum esset puer octo annorum Lucas egregius & decantatus nostris pictor exprimere volens, picturamq; ordiretur, ipse ad diversa loca respiciebat, ut solent pueri ibi Præceptor, qui ejus indolem norat, dicebat cum mirifice delectari aspectu teli, jussitq; ad parietem adversum collocari egregiè fabrefactum telum à quo cum non desisteret oculos, pictor feliciter picturam absolvit.*

37. *Eos porro, qui Reipubl. præesse volunt Aristoteles instructos esse vult amore erga Remp. scientia & usu, virtute deniq; probitate, justitia congruente Reip. formæ. Inprimis verò in pietate que fundamentum esse debet omnis principalis institutionis est informandus. Deinde ad studia Philosophica non illa subtilia*

Gallia Rex sententia
per lo mento d'illam
num p.

Higuna de car

que doctiorem solum faciunt raro meliorem sapè etiam improbio-
rem. Studia igitur Philosophiæ Theoreticæ amanitatis causa deli-
bare potest, secundum illud Neoptolemi Enniani Philosophandū
paucis esse, nam omnino non placere. Inprimis verò mathematica
curare debet, quia necessariū est Principi regiones, populos, regna,
provincias, transitus, portus in animo descripta habere.

38. Nec moveat, quod de literis sit diversum iudiciū, ,
quas ab Aulis ad Scholam redigunt, q. non deceant regium ani-
mum & generosum, veterumq; sit iudiciū, quod qui in Scho-
lasticis studiis consenscant ad publica officia minus sunt idonei.
Unde & Sfortia adeo literarum expertus fuit, ut nec pingere qui-
dem literas potuerit hac allata excusatione, quod qua manu pi-
lum ac ensē tenere didicisset, eadem stylum ac calami ductiones
tractare nequivisset. Econtra Carolus IV. eo usq; in literarum co-
gnitionem pervenit, ut primus Caesarum nonnulla Evangelia scri-
pto interpretatus sit, teste Amplissimo Dn. Præfide in Prælectio-
nibus Aurea Bullæ.

39. Ingenia verò calida, qualia sunt hominū istorum, ,
subtilium & specularum minus usui esse Reipubl. inter alias hanc
afferens rationē Lipsius, quia potius res applicant suis cogitationib.
nec cogitationes rebus ac proinde disputare quidem norint, sed non
persuadere, unde agrè inveniant, cui insistant. Quia cogitationum
variarum subinde & subinde corripiantur fluctibus: & qui à Phi-
losophia profisciscuntur, solent esse tyranni, de quibus Crates velut
ex satyria nemo lanceam conficere poterit, ita ex Socrate nullum
strenuum militem. Notatumq; est acutioris atq; subtilioris sensus
homines, ut plurimum infelicius, peiusq; Reipubl. administrasse,
quam eos, qui mediocri ingenio præditi altius sapere abstinerint.
Quemadmodum a. optimo, tum ad animi, tum ad corporis consti-
tutionem temperamento sunt sanguinei, ita eos præferendos esse
censent. Bodinus optimos dicit Cholericos, cum quo consentit
Clariss. Gryphiander.

40. Cum autem difficile sit cognitu intra quos limites re-
gia omnis potestas consistat, quam alii immensam dicunt, quæ nec
ll. ulli, nec tempore definiatur: alii exiguis admodum terminis
eam includunt, opera pretium facturum sum, si eam paucis deli-
neamenti notisq; quibus ad hanc rem instructus esse debeat Prin-
ceps radi Minerva describam.

41. Religionem primariam esse causam conservantem Reipubl. imò fundamentum & propugnaculum testatur Plato lib. 4. de Rep. In omni v. Republ. curatio rerum divinarum est summa. Unde Cyrus Rex optime arbitrabatur, si omnes sibi familiares & subditi DEI metuentis essent minus eos aut inter se aliquid illiciti aut in ipsum commissuros. Nec quenuquam eligi magistratum vult Plato 3. d. ll. nisi pius extiterit & divinis operam studii dederit. Hæc veluti victrix Dea frenum injiciens potentie humana cobibensq; ne ulterius progrediatur, quàm lex divina patitur, quæ si integra maneat nihil prohibet, nonnunquam à communi jure recedere pacis ac quietis causa Clapm. lib. 4. c. 1. de Arcanis Rerumpub.

42. Pariter Theologorum & Jurorum sententia est non cogendum, sed doctrina potius ac predicatione divini verbi hominum mentibus instillandam esse religionem, secundum illud filii DEI, finite pariter utraq; crescere usq; ad tempus messis, Matth. 13. fides voluntatis est non necessitatis. Et Theophilactus, non quod fidei vestre imperem, quæ voluntaria est. Quis enim ad hanc invitum quemquam cogat & nolentem, Act. 15. v. 10. Matth. 28. Animus enim, ut inquit Philippus Camerar. nobilissima hominis pars & aure divine igniculum præsertim Evangelica luce illustratum nullis bellorum crumnis premi, nullo fideiularum aut eguleorum genere cogi potest ad ea dogmata suscipienda, quæ vel à ratione vel divinis scriptis aliena judicet.

43. Cumq; sola divinitas interiora cordis agnoscat perscrutetur & judicet. Solus n. rex illum quem nuptiali veste minime indutum internoscebat foras ejici jussit, non ministri, quib. satis erat ad epulum regium convivas vocasse, inq; eo bellico officio suo perfunctos fuisse, quibus nihil aliud mandatum, quàm invitare, vocare nemini non manifestum est. Quemadmodum Christus ipse inquit, sicut misit me pater, ita & ego mitto vos ad prædicandum veritatem, non v. ad occidendum, Act. 15. v. 10. Matth. 28. Qui Petro dixit, Pæce oves meas. Cui alienissimam juxta ac crudelissimam Baron in vot. ad Paulum V. adjecit interpretationem, pascendi verbo vita & necis potestatem venire, distitans mitis ingenii sacerdos juxta illud, quod alibi Petro dictum surge & macta, Act.

Fides ex auditu est, non à violenta coactione & defendenda est religio non occidendo, sed monendo, non severitia, sed patientia, non scelerare sed fide.

44. Ut autem unus est verus Deus, ita una tantum vera religio in Ebraea Ecclesia & deinceps post Christi adventum & adhuc apud eos, qui ab auctore suo non tam dicuntur, quam unice pendunt. Hac tribus maxime notis est insignis, nempe vero DEO, divina lege, & salutis mediatore, quibus accedit & hac, quod sit antiquissima. Antiquitas v. nusquā alibi deprehenditur quam in scriptis Prophetis, ad quam ipse Dominus quem pater à caelis audiendum pronunciat, provocat, cum dicit ab initio non fuit sic Luce 9. scrutamini scripturas, illa est, quæ de me testatur Moysen & Prophetas audiat Luce 16. & 24. Remb. part. 1. cap. 13. Papi- stæ religionem Lutheranam novam appellant & nuper natam, dubiam esse & incertam cavillantur. Nihil verò novi in ea deprehendunt, si modo veterem illam Pauli concionem agnoscere voluerunt Jesum Christum mortuum esse propter peccata nostra, resurrexisse propter justificationem nostram, Rom. 4.

45. Idem scripturam sacram quæ scriptis Prophetis & Apostolicis continetur esse cerceum nasum, qui in multas formas possit transmutari, & esse cothurnum & materiam litis perpetuam claustrant. Omnes v. qui Papam superiorem non recognoscunt consiliis, scriptis, sermonibus, sunt oppugnandi & auxilio brachii secularis, hoc est, igne & gladio prorsus è medio tollendi. Confirmant hoc ex Johannis Evang. 15. ibi si quis in me non manserit, mittetur foras sicut palmes & arefcet, & colligent eum, & in ignem mittent. Hac Remb. part. 1. c. 9.

46. Judicium de Religione suscipiant viri docti & sacrarum literarum periti, qui Ecclesia Dei sunt præfetti & solius verbi divini ductum sequuntur. Apud Turcas & Moscos capitale est de sacris aut religione disputare: Rationem reddit Syssinnus, quod disputationes hæ non solum non tollant, aut reconcilient schismata, sed hæreticos præterea magis ad contentiones accendant. Noxie speculationes & quæstiones, auctore Alciato, in divino cultu, publicoq; statu possunt, quod canis in balnea quæq; magis concordia publica quam officium prosunt. Causam a. cur parum proficiatur velitationibus theatricis ac synodicis potissimum eam esse refert Piccart.

Piccart. 5. decad. 4. quod pleriq. non tam Cbristi gloriam fratrumq. salutem spectent, quàm honori suo consultum velint.

47. D E U S verò ostendit in Moyse & Davide quam non sint inepti etiam viri Politici ad res sacras tractandas, ne soli sacerdotes id sibi peculiariter tribuant, ipsi enim non minor cur. est subditorum. Quamobrem ferenda est religio, quam sine Reip. interitu Princeps auferre non possit. Salus enim populi suprema lex esto: & prastat habere aliquam Rempubl. quàm nullam, neq. Theologorum rixis aut logomachiis moveri debet, sed autonomiam aequa lance foveat, veram esse sententiam omnino sibi persvadeat Catharina Medicea, licet in ea nihil veri, sed fucata omnia dum viveret, quam moriens Henrico Regi filio dictasse dicitur: facilius esse Theologos certare verbis quàm reges gladiis, cuiusq. contendere verbis, quàm pugnare manu. Est enim referente Seneca in Epist. quædam ingeniorum scabices, ut omnes disputare malint quàm vivere.

48. Cautum est, ut pacem colant omnes imperio subiecti, & propter diversitatem religionis nullicuiquam molestia creetur, exemplo Cbristi, qui ipse versatus humanissimè cum hominibus à religione Judaica & Cbristiana alienis, cum Samaritanis, Publicanis, Phariseis. Deinde, ut ratum & firmum illud sit, quod de pacanda religionis modo, communi ordinum consilio & interveniente Cæsaris auctoritate super dissidio isto, placidis, piis, & æquis rationibus componendo, decretum fuerit, teste Sleidano lib. 14. Sub quo non contineri autumo reformatæ religioni uti audire volunt additi.

49. Non solum autem pietate, sed & Justitia Principes Dii sunt, quibus tanquam priori luce & irradiante sidere reliquæ virtutes in ipsis corruscant. Poëta fingunt justitiam nunquam à latere Jovis divelli, ut demonstrent Principibus, quibus cura populi esset credita, ne latum quidem unguem discedere à justitia licere, omniq. illorum facta dictaq. cum justitia congruentia con-

ioribus ornamentis gentem aliquam afficiat quam Iustitia.

50. Hujus faciunt duas species, distributivam, quæ ordinat personas, quibus decernit præmia & pœnas Proportione Geometrica. Circa hanc enim pro dignitate personarum, non equali portione facienda est distributio honorum, agrorum, aliarumq; rerum, quæ inter cives è publico solcant partiiri, mitiusq; puniuntur nobiles, & qui in aliquâ dignitate sunt constituti, cum nec vinculis publicis contineantur, nec summa ll. severitate tractentur, quibus tamen lex in genere & in abstracto citra aliquem personarum & rerum complexum, & sine $\omega\epsilon\gamma\omega\tau\omicron\lambda\eta\lambda\alpha$ pœnam dicat Arithmetica proportione, & ex lege talionis eam commensurat delicto: Et commutativam, quæ tanquam trutina in contralibus & commerciis hominum adhibetur.

51. Cum Principis sit justitiam administrare non temerè admittat monomachias & duella, quæ vitiosa quadam consuetudine vel fortitudinis ostentandæ vel honoris tuendi ergo suscipiuntur, jure tamen divino & humano prohibita. l. unica. C. de gladiat. l. unic. c. ut armorum usus Novell. 56. c. monomach. 2. q. 4. Nulla enim hic est defensio, sed ultio, quæ in jure & sacris literis severè est prohibita, Levit. 19. Deut. 32. l. si ex plagis. §. tabernarius. ad l. Aquiliam, neg; fortitudo, sed muliebris mollities, Nov. 69. non enim fortis temerè, sed cum consilio quævis pericula adit, & tantùm justa & honesta, & Reip. utilia, nec singulis est concedendum, quod per magistratum fieri debet, ne occasio sit majoris tumultus, l. 156. ff. de R. J. Duplex autem illa pugna fuit equestris & pedestris, talisq; forma & modi quo conventum erat inter pugnaturus, vel ab illis, qui monomachie præstant.

52. Provocatum verò, si provocantem interimat, volunt excusare à pœna homicidii ordinaria, quoniam indulgendum est ei, qui provocatus ulciscitur, præsumitur enim quicquid facit provocatus, potius id facere ad defensionem sui, quàm ad offensionem. Calor & justus dolor incundia pœna ordinaria eximunt & rem ad arbitrium judicis deferunt, l. quicquid calore. ff. de R. J. & mitius cum eo agendum, qui provocatus se ulcisci voluit, l. qui cum major. §. si libertas. ff. de bonis libertorum. Tertullianus verò inter provocantem & provocatum nullum facit discrimen in casu homicidii, quid enim refert inter provocantem & provocatum, ni-

si quod

si quod ille prior in maleficio deprehendatur, ille posterior, tamen
ut erga, lasti hominis reus: domino nulla in maleficio ordinis ratio est
nec locus fecernit, quod similitudo conjungit. Plerumq; autem
fieri videmus provocantem temeritatis sue penas dare & in pugna
occumbere.

53. Permittere potest tempore belli, ubi duorum pugna dirimi
& averti potest pugna multorum, sicuti Curiat. & Horat. singulari
congressu disruptū bellum inter Rom. & Albanos. Item David opi-
lio adolescens eximia virtutis indole præditus armiger Saulis, qui
rebus Israelitarum valde dubiis Goliathem, inusitata magnitudi-
nis hostem conviciis armisq; provocantem Judæos, nudus, inermis
baculo fundaq; pastorali solum usus, singulari certamine adolescens
adhuc prostravit, & Israëlitis suis animum persequendi Philisteos
hostes reddidit. Item Treut. 1. vol. 32. dicit eo casu si judicis aut
conviciatoris in judicio copia non datur, quo casu conviciantem
etiam provocare licitum est, adducens dictum, Psalm. 113. qui do-
cet manus meas ad prælium & digitos meos ad bellum.

54. Solent Impp. duriores casus & tristiores fortunam,
ut ipsi ingenitum, imperatoria humanitate mollire, qua de suppli-
cii rigore ex mente legis aliquid remittunt. Cum solius Principis
sit ll. rigorem aequitate temperare, l. 1. C. de ll. exemplo supremi
Principis, qui hac ipsa potestate pæna gratiam faciente usus legi-
tur, Num. 24. v. 32. 2. Reg. 11. v. 13. & Achabo 2. Reg. 21. adul-
teraq; pænitentem ignovit, vade, inquit, & noli amplius peccare,
Joann. 8. v. 12. In terris verò, quoniam Dei vicem gerunt Prin-
cipes & Reges summi illius Regis exempla imitari posse videntur,
uti & eam omni evo potestatem usurpasse in manifesto est, Genes.
40. v. 20. Novell. 77. & 141. Sed eam permissam, sibi ne credant
Principes, nisi ex causa justa & probabili, nisi præjudicium Ju-
sticia & Reip. facebat c. regum officium, 23. q. 1. nisi per illam re-
missionem injuria privato non inferatur. Hinc fieri posse putamus,
ut hoc mox homicidium pecuniaria pæna puniatur, c. 2. de dilect.

vi conductus five pacis publica reis dare.

55. Magnum clementie est signum asyloꝝ constitutio, qua aperire debent honestatis ratione, & humanitatis intuitu, in solum, qui casu per imprudentiam in aliquod infortunium inciderunt. Nec recipiendus reus, antequam rationes magistratui exposuerit. Evelli iussit Salomon à cornu altaris Joabum, & interfici, quia proditor Majestatis fuisset 3. Reg. 2. Deut. 19. Num. 35. Rapiatur ab altari & digno supplicio subijciatur scelerosus, Exod. 21. v. 14. 1. Reg. 2. Etenim legis auxilio digni non sunt, qui in legem peccant. l. auxil. de minor. Cumq; Reip. interest delicta punire neq; consuetudo, qua dat occasionem delinquendi servanda est, l. convenire de pactis dotat.

56. Romulus cum initis surgentis Roma asyllum quoq; aperuit, quod templum pacis nominabat multis concessis gratiis, pro cuius numinis reverentia omnem sceleratum ad ipsum fugientem reddebat immanem. Ideo Satyricus appellat in fame asyllum. Illa autem ratio videtur magni momenti esse, quod non tantum Rempubl. suam hisce gentibus roboravit, verum etiam inconditam multitudinem honestis ll. ad societatem civilem traxit atque composuit. Clapm. lib. 4. c. 5. de arcan. Rerump.

57. Quemadmodum viri Principis est iustitiam tueri, ita penarum irrogationem magistratibus & iudicibus relinquat, pramiorum largitionem & dispensationem sibi reservet, qua hoc modo multo gratior efficiuntur. Magnificentiam quippe & dignitatem nihil magis conservat, quam aliis largiri & dare. Unde Fridericus III. Imperator dicere solitus est, etsi decem millia quotidie adversus Imperatorem ingrati sint, tamen Imperatori quotidie benefaciendum. Quamquam v. gloriosius sit civitatem replere beneficiis, quam trophais, attamen oportet, ut in terminis iustitia consistat liberalitas. Nec est liberalis, qui dat indifferenter, sed qui rectè discernit inter accipientes.

58. Fides porro iustitia fundamentum & humana societatis nervus, quo inciso, illam interire necessum est, homini praesertim Principi, adeo necessaria quam sol in mundo est. Hanc fallere gravibus est grave, gravioribus, gravius, gravissimis, qui aliis exemplo sunt gravissimum, inquit Baldus: nec exaudiunt, qui jus, fidem, candorem, integritatē esse privata bona, qua juvat

Reges

Reges ire, eant, fidem hactenus colant, qua ipsis expediat. Sed & misceæ Beticæ, id est, consilia punica, ait Kirchnerius lib. 2. cap. 1. in Morvill. Fidci enim & probitatis opinione detrahta, quisq; inuisor & suspectior erit, quo versutior & callidior extiterit.

59. Laudatur gloriosum Caroli V. verbum, qui inquit, eisi toto mundo fides exulet tamen apud Imperatorem eam consistere oportet, cujus fides tantum valere debet, quantum aliorum hominum iuramentum. Vox Principis instar oraculi esse debet, unum habens calamus & unam linguam & immobilis, sicut lapis angularis & polus in cælo secundum Baldum. Quid fædus perniciosius vè, aut esse aut fingi potest perfidioso Principe? qualem fuisse Severum perhibent, qui vafro ac fallaci ingenio iuramentum pro nihilo ducebat. Quid porro magis infuscat Annibalis virtutes, quam perfidia? Apud quem, ut scribit Liv. lib. 21. nullum ius iurandum, nulla religio valuit.

60. Fides oritur ex verbis & promissis, quibus & Princeps jure divino obligatur, Genes. 15. v. 8. Hebr. 8. v. 8. Sic habetur exemplum Davidis cum subditis suis, 2. Sam. 2. v. 21. nihilq; tam naturali equitati consentaneum quam que placuerunt servare. Que & obtinent in fæderibus, nec simpliciter probandum est dictum, illos esse loco & conditione deteriore, qui fædus servarent. De hæretico dissentiunt Canonistæ & notum est exemplum Joannis Hussi, qui contra fidem publicam ab Imperatore Sigismundo datum combustus est in concilio Constantiensi. Si inquit Bodin. 5. de Rep. 6. Heretico & infideli fidem frangere fas est, dare nefas sit: Si verò fidem dare jus est datam servare oportet.

61. De latrone & hoste dissentit Baldus, quod jurigente, quo fides & pæcta nituntur, est contrarium. In primis a. erit servandum, si iuramento fuerit confirmatum quale fuit, quod Josua cum Gabaonitis contra illiiniit, cujus violationem DEUS gravissimè punivit Jos. 9. 2. Sam. 21. 2. Chron. 26. Dissentiunt aulæ pontificiæ assentatores, qui fædera auctoritate Pontificia experti, subditos, à re-

illud Mauritijs Electoris Saxon. dum ad Carolum V. Imperatorem: at ego inquiebat te tanquam Imperatorem, non tanquam JCtum & legistam volo pactiones & fœdera interpretari.

62. Harum omnium virtutum Directrix est prudentia, quæ patitur insigni experientia, qualis in Philippo Comminæ fuit, qui totos triginta annos à Rege Ludovico XI. & Carolo IX. ejus filio legationibus obeundis & summis negotiis gerendis adhibitus est, Maximiliano, item Burano & aliis: vel longa ætate, quæ Nestor sapere didicit, vel multarum gentium & provinciarum cognitione, quæ Ulysses æternitati consecravit, vel literarum studio & historiarum cognitione, quæ ratione Socrates & Solon in animis hominum sui memoriam reliquerunt, vel conversatione cum sapientioribus. Nulla enim nec magic induit animos honestos & in prævum inclinabile revocat ad rectum, quàm honorum conversatio. Paulatim enim descendit in pectora & vim præceptorum obtinet, frequenter aspici, & frequenter audiri. Senec.

63. Politici verò s. prudentes dicuntur, qui in humana societate ad DE I gratiam & mutua commoda cuncta dirigunt: ad quas non referuntur hujus seculi cothurni, hypocrite & simulators, qui aliud ore aliud corde occultant, vel qui animi interti hinc & illinc fluctuant, nulla certa fide stabiliti, quos sacra littera viros duplici animo appellant. Hi si essent Politici dicendi, majorum esset eorum proventus, quàm in magistrallorum, qui in Scholis plorant, & ternas docent, ut refert Clariss. D. Gryphiander in Diss. polit. 1. Vulgò verò hanc prudentiam unice tanquam solis filiam cum Ulyssæ amplectuntur, quæ in argutia, in fraude, in dolo, in diffidentia, in simulatione & dissimulatione omnes suas vires virusq. ostendat. Kirchn. in Morvill.

64. Hanc esse propriam virtutem imperantis dicit Aristoteles 3. Pol. 1. licet ad omnes res utilis sit prudentia, tamen ad imperium maximè conducit, cum illud sine ea non solum firmum sit, sed etiam nullum, ut testatur Lips. 3. pol. 3. Maximè verò perspicitur in rebus gerendis, legibusq. ferendis, in quibus reges oportet esse Monasyllabos: Rex enim & lex jubcant, non disputent. non Asiaticam sed Laconicam orationem commendant, paucis verbis multa comprehendant, & sic videantur plus intelligere, cui nec vociferatio & verborum intemperantia, ut refert Senec.

lib. 1. de Clem. c. 3. ex Majestate est. *Quo nomine commendatur Carolus V. quem natura taciturnum sepiusq; cum D E O quàm hominibus loquutum perhibent.*

65. Duplex autem est prudentia Togata & militaris. De quibus magnus est Dd. conflictus *utra sit preferenda.* Dicimus cum P. de Andlo lib. 2. c. 13. in artibus militaribus miles Doctori & Doctoreis, Doctor militi est preferendus, in artibus verò indifferentib. Doctorem militi preferimus: Magis enim Reip. utiles videntur ll. quàm arma, cum leges tanquam digniora disponant, arma autem disposita exequantur. Unum alterius auxilio semper eguit, in omniq; benè constituto regno necesse est arma per ll. dirigi, ll. per arma tueri, neq; viribus aui velocitate aut celeritate corporum res magna geruntur, sed consilio, auctoritate, sententia, inquit Cic. lib. 1. de senect. malleq; se habere vires ingenii Pythagoræ quàm corporis Milonis, secundum ejusdem triumphalem versum, cedant arma Toge, concedat laurea lingua. Naturæ quippe togata virtute bellica est præstantior, illa per accidens Reip. temporibus postulantiibus, ut togam & pacem restituat operis & laudis majoris habetur. Kirchner. disp. ultim. de Republ.


66. Quos mores afferre debeat Princeps eligendus, & quibus virtutibus instructus, ne concessa sibi abutatur potestate vidimus, considerabimus jam gentem à qua desumendus potissimum. Rom. Imperator, quia inde non minus periculi. D E U S mandat Israëlitis, ut magistratus è numero fratrum eligant, neq; Rex constituatur, qui alterius sit gentis, Deut. 17. & de gremio Ecclesie eligendus est Episcopus, etiamsi alibi digniores reperiantur, c. nullus distinet. 61. c. metropolit. dist. 37. Existimat Imperat. l. 31. §. 21. de adilit. edict. quasdam nationes sceleribus infamatas, quasdam virtutibus conspicuas esse. Quam sententiam etiam Salviianum Massiliensem approbare constat, is quippe Gothos perfidios, sed pudicos, Francos mendaces, sed hospitalis, Saxones efferos crudelitate, sed castitate mirandos, Afros omnibus virtutis nobilitatos

quidem promot, sed in ea inconstantes. Et quia sunt placidi & mites tales sibi quog, esse Regem desiderant. Sicuti Angli turbulentissimi, homicida Principum saltem ex majori parte. An v. à Principibus an à subditis hoc acciderit certe historia detegunt. Ab utrisq, si sunt ejusdem populi. Unde abiit in proverbium Anglus & Scotus tyrannicè imperat, societatē socii prodit, & pars servus infideliter servit. Tholos. 11. de Republ. 6. nu. 17. In Anglia teste Commineo intra annos 36. octoginta regia stirpis Principes mutuis cladibus ceciderunt. Abstineat autem quisq, ne temerè de moribus populi judicium ferat, ne audiat illud, Gen. 19. v. 9. ingressus es, ut advena nunquid, ut judices.

67. Sicuti & quandoq, fieri videmus, ut maxima Principum familie aliorumq, peculiaribus virtutibus, vel vitiis sine insignite & sua habent vādi hereditaria: Bruti constantes dicebantur Fabii patria amantes, Scipiones ambitiosi & bellicosi, Claudii superbi, Lelios passim bilares commendant Romana historia scriptores Hortensios plerosq, eloquentes. Unde Hortulus apud Tacitum eloquentiam gentile domus Hortensia bonum nominat. Sicuti & signa gentilitia, ut Regum Gallie, quibus pleriq, Historici tribuunt vim curande strumæ. Piccart. 1. Decad. 7. Principum Scaligerorum (quorum familiam mille & ducentos fierisse annos) duo lumina, in quibus mortalitas corpora abolevit, ut beatissima mentes calum, æterna nominis gloria relicta post se repeterent. Sicuti & quidam Principes sua habuerunt cognomina: Phocio bonus, Aristides Justus, Antonius propter clementiam Pius, Tiberius propter nimiam vini aviditatem & bibacitatē, qui Flacco & Pisoni, quod secum biduum continuum potando consumsissent provincias & præfecturas præmiis loco contulit, Biberius dictus. &c.

68. Et sic nobis sit constitutus Princeps, quem in seipsum retrogradum cupimus, ut semet cognoscat, tū dignitatem quā gerit. Nam ipse non est dignitas, sed agit personam dignitatis. Neq, in Principibus, tam personam singularem reveremur, quā Majestatem DEI & imaginem potestatemq, consideramus ex parte illius, cujus delegati sunt, cujusq, in terra partes gerunt. Proinde ejus voluntatem pro lege habemus, si justa sit, non quia ipse vult, sed quia justum Rex velle creditur, eumq, solemnitatibus

Juris



vi. 4. m. d. m. p. p. p.
27. d. s. p. s.